

## 2022-mi angalanissamut qinnuteqarnissaq pillugu ilitsersuutit

### Sulinnigiffeqarluni angalanermut aningaasaateqarfiup siunertaa:

Siunertaavoq sulisartut SIK-ip isumaqatigiissutai malillugit akissarsiaqartinneqartut – taakkualu ilaqutaasa qaninnerit – sulinnigiffeqarlutik angalanissaannut akiliussinnaanissaat. Angalanissanik agguassineq makitsinikkut pisarpoq, qinnuteqartut piumasaqaatinik eqqortitsisut tamatumani peqatasarlutik.

### Aningaasaateqarfik sutigut akiliussisinnaava?

Bilitsinut aningaasartuutit kisiisa aningaasaateqarfiup akilertagarai. Aammali angalanikkut periarfissat aaq-qissuussaanerit pissutigalugu najugarisap ornikkallu akornanni (utimulluunniit) aqputaani unnuisariaqartoqaraangat taakku unnuiffissaannut akiliunneqartassapput.

Ilaqutariit ataatsimoorlutik angalaqatigiissapput; imaappoq ataatsikkut aallassapput ataatsikkullu uterlutik.

### Makitsinermit peqataatinneqassagaanni piumasaqaatit uku eqqortinneqarsimasussaapput:

- Sulisartup sulisitsisua aningaasaateqarfimmut akiliuteqartartuussaaq.
- Qinnuteqarnermi immersugassaq eqqortumik immersorneqarsimassaaq.
- Qinnuteqartoq angalaqatiginiagaalu, tassa aapparisaq katissimasaq/inooqatigisaaq qitornallu, najugaqatigiissapput (qitornat angalaqataasinnaassagunik 1. januaari 2004-p kingorna inuusimassapput).
- Qinnuteqartoq ukiut kingullit sisamat ingerlaneranni makitaasimaguni akiliunneqarlunilu angalalluni, makitsinermit peqataatinneqarsinnaanngilaq.
- Qinnuteqartoq 2022-mi sulinnigiffeqarluni angalanermut aningaasaateqarfimmit allamit imaluunniit sulisitsisuminit tapiiffigineqarluni akiliunneqarluniluunniit sulinnigiffeqarluni angalasinnaassanngilaq.
- Qinnuteqartup aapparisa imaluunniit inooqatigisaa 2022-mi sulinnigiffeqarluni angalanermut aningaasaateqarfimmit allamit imaluunniit sulisitsisuminit tapiiffigineqarluni akiliunneqarluniluunniit sulinnigiffeqarluni angalasinnaassanngilaq.
- Qinnuteqaat kingusinnerpaamik ulloq 1. aggusti 2021 SIK-mit tiguneqarsimassaaq.

### Qinnuteqarnermi immersugassap immersorneqarnera:

Immersugassami allanneqassapput qinnuteqartup aqqa, cpr-normua, najugaa, mobiliata normua aamma e-mailadressia. Allanneqassapputtaaq qinnuteqartup suliffia tassanilu atorfia.

Qinnuteqartup ilaqtutani qaninnerpaat angalaqatigerusukkunigit aqqi cpr-normuulu allattussavai, tassa aapparisanil/inooqatigisanil qitornanilu.

Sumut angalaniarnerluni toqqagassani ataasiinnaq x-ilerneqassaaq; tassa Kalaallit Nunaanni illoqarfimmut/nunaqarfimmut imaluunniit Københavnimut. Taamaattumik qinnuteqartoq aalajangertariaqarpoq Københavninissaq imaluunniit nunatsinni namminermi ornigassamut aalajangersimasumut angalanissaq kissa-tigissanerlugu (imaappoq Københavninissaq nunatsinnilu angalanissaq tamaasa qinnutigineqarsinnaanngillat).

Københavnimit ingerlaqqinniaaraanni, soorlu Aalborgimut Tirstrupimulluunniit, tamanna nammineq akiligassaaq.

### Makitsineq:

Angalanissat agguanneqarnerat aggustip naalernerani makitsinikkut pisarpoq. Qinnuteqartut tamarmik kingusinnerpaamik 1. decembari 2021 sms-ikkut akineqassapput. Akissut tassaasinnaavoq 1) angalanissamut makitaasimalluni, imaluunniit 2) angalanissamut makitaasimanani.